



Doris Jakobsen Jensen
Inatsisartuni ilaasortaq, Siumut

04-07-2022
Suliaq normu 2022 - 13391
Akt nr. 20498810

**Akissuteqaat § 37 naapertorlugu apequtigineqartumut nr. 127/2022-imut –
Upernaviarsummi misileraaviup ullumikkumut naleqqussarneqarnissaa
eqqarsaatigalugu**

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Doris Jakobsen Jensen,

Apequtigisannut Inatsisartut suleriaasiat naapertorlugu saqqummiussannut qujanaq.
Taakkua uani ataani akissuteqarfigissavakka.

Apequtigineqartut:

**Maannamut Naalakkersuisut misilittaavittut Upernaviarsummi sanaartugaqarnikkut
allatigullu atortutigut ullumikkumut naleqqussaanaq inuusuttunit nunalerinermi
ilinniagaqarnissamut orniginarsaanissaq siunertaralugu
eqqarsaatersuuteqarfiginerlunikkut?**

Akissut: Aallarniutigalugu eqqaaneqarsinnaavoq 2021-imi aningaasanut inatsimmi
ataatsimut aningaasaliissutinik tamakkiisunik 3 mio. kr.-inik
immikkoortitsisoqarnikummat Upernaviarsummi illuutit nalunaarsorneqarnissaannut,
kiisalu sanaartugassanut pilersaarummik nutaamik suliaqarnissamut.
Naatsorsuutigineqarpoq Upernaviarsummi sanaartugassanut pilersaarut
Naalakkersuisunut 2022-p ingerlanerani tunniunneqassasoq.

Eqqaasinnaavara Upernaviarsummi savaatilingorniartarnek tamakkiisumik
nunalerinermut ilinniarfinngortinneqarsinnaanera qanoq anguniarneqarsinnaanersoq
pillugu nalunaarusiortoqarnissaa Naalakkersuisunit aallartineqarpoq, aamma qanoq
Inuili - Food College Greenland nutarterneqarsinnaanersoq misissorneqassaaq.
Naatsorsuutigaara misissuinerit taakku Naalakkersuisunut tunniunneqariissasut 2023
ingerlanerani. Inuili siulersuisut ingerlaavartumik ilaatinneqartassapput.

Oqaatigineqassaaq Upernaviarsummi savaatilingorniartunik ilinniartitaaneq Inuiliup
Food College Greenland, ataani inissisimammatt, tassanilu siulersuisut qullersaallutik
oqartussaammata. Siulersuisut ilaatigut aalajangersartarpat ukiumoortumik ilinniarfimmi
ingerlatsinissanut pilersaarussiaq, kiisalu akisussaallutik ilinniarfimmi ilinniartitaanernik
ingerlatanut allanut.

Ullumikkut nunalerinermut ilinniartitaanermik nunatsinni soqanngilaq,
savaatilingorniartunut ilinniartitaaneq taamaallaat neqeroorutaammat.

Inussiarnersumik inuulluaqqusillunga



Peter Olsen